

上虞縣志校續卷四十三

文徵內編一

古文參同契自敘

漢魏伯陽

會稽鄙夫幽谷朽生挾懷樸素不樂權榮棲遲僻陋忽略利名執守恬淡希時安寧晏然閉居乃撰斯文歌敘大易三聖遺言察其旨趣一統其論務在順理宣耀精神神化流通四流和平表以爲歷萬世可循序以御政行之不繁引內養性黃老自然含德之厚歸根還元近在我心不離己身抱一無舍可以長存配以服食雄雌設陳挺除武都

上虞縣志校續

卷四十三

文徵內編

一

八石棄捐審用成物世俗所珍羅列三條枝莖相連同出異名皆由一門非徒累句諧偶始文殆有其真礫硤可觀使予數僞卻被贅愆命參同契微覽其端辭寡意大後嗣宜遵委時去害依託邱山循遊寥廓與鬼爲鄰化形而仙淪寂無聲百世而下遨遊人間敷陳羽翮東南西南傾堯湯厄際水旱隔并柯葉萎黃失其華榮吉人相乘負安穩可長生

自東山與支遁書

晉謝安

思君日積計辰傾遲知欲還剡自治甚以悵然人生如寄

耳傾風流得意之事殆爲都盡終日慙慙觸事惆悵惟遲
君來以晤言消之一日當千載耳此多山縣閒靜差可養
疾事不異剡而醫藥不同必思此緣副其積想也

山居賦

并序

南北謝靈運朝

古巢居穴處曰巖棲棟宇居山曰山居在林野曰邱園在
郊郭曰城傍四者不同可以理推言心也黃屋實不殊於
汾陽卽事也山居良有異乎市廛抱疾就閒順從性情敢
率所樂而以作賦楊子雲云詩人之賦麗以則文體宜兼
以成其美今所賦旣非京都宮觀遊獵聲色之盛而敘山

上虞縣志校續

卷四十三

文徵內編

二

野草木水石穀稼之事才乏昔人心放俗外詠於文則可
勉而就之求麗邈以遠矣覽者廢張左之豔辭尋臺皓之
深意去飾取素儻值其心耳意實言表而書不盡遺迹索
意託之有賞其辭曰

謝子臥疾山頂覽古人遺書與其意合悠然而笑曰夫道
可重故物爲輕理宜存故事斯忘古今不能革質文咸其
常合宮非縉雲之館衢室豈放勛之堂邁深心於鼎湖送
高情於汾陽嗟文成之卻粒願追松以遠遊嘉陶朱之鼓
棹迺語種以免憂判身名之有辨權榮素其無留孰如牽

犬之路既寡聽鶴之塗何由哉理以相得為適古人遺書與其意合所以為笑孫權

亦謂周瑜公瑾與孤意合夫能重道則輕物存理則忘事

古今質文可謂不同而此處不異縉雲放勛不以天居為

所樂故合宮衢室皆非淹留鼎湖汾陽乃是所居口文成

張良卻粒棄人間事從赤松子遊陶朱范蠡臨去之際亦

語文種云云謂二賢既權榮素故身名有判也牽犬李斯

之歎聽鶴陸機領成都眾大敗後云思聞華亭鶴唳不可

復得若夫巢穴以風露貽患則大壯以棟宇祛弊宮室以瑤

璇致美則白賁以邱園殊世惟上託於巖壑幸兼善而罔

滯雖非市朝而寒暑均和雖是築構而飭朴兩逝易云上

野處後世聖人易之以宮室上棟下宇以蔽風雨蓋取諸

大壯琤堂自是素故曰白賁最是上交也此堂世異矣謂

巖壑道深於邱園而不為巢穴斯免口口昔仲長願言流

得寒暑之適雖是築構無妨非朝市云云

上虞縣志校續

卷四十三

文徵內編

三

水高山應璩作書邱阜洛川勢有偏側地闕周員銅陵之

奧卓氏充鈿規之端金谷之麗石子致音徽之觀徒形域

之蒼蔚惜事異於樓盤至若鳳叢二臺雲夢青邱漳渠淇

園橘林長洲雖千乘之珍苑孰嘉遯之所遊且山川之未

備亦何議於兼求仲長子云欲使居有良田廣宅在高山

前果園在後應璩與程文信書云故求道田在關之西南

臨洛水北據邱山託崇岫以為宅因茂林以為蔭謂二家

山居不得周員之美楊雄蜀都賦云銅陵衍卓王孫探山

鑄銅故漢書貨殖傳云卓氏之臨邛公擅山川楊雄方言

梁益之間裁木為器曰鈿裂帛為衣曰規金谷石季倫之

別廬在河南界有山川林木池沼水碓其鎮下邳時過遊

賦詩一代盛集謂二地雖珍麗然制作非樓盤之意也鳳

臺秦穆公時秦女所居以致蕭史叢臺趙之崇館張衡謂

趙築叢臺於前楚建章華於後楚之雲夢大口中居長飲
賦楚靈王遊雲夢之中息於荆臺之上前方淮之水左洞
庭之波右顧彭蠡之濤南望巫山之阿遂造章華之臺亦
見諸史淮南青邱齊之海外皆獵所司馬相如云秋田乎
青邱徬徨乎海外漳渠史起為魏文侯所造溉水之所淇
園衛之竹園在淇水之澳詩人所載橋林蜀之園林楊子
雲蜀都賦亦云橋林左太沖謂戶有橋柚之園長洲吳之
苑園左亦謂長洲之茂苑因江海洲渚以為苑園口口口
口口口口口口口口口口口口口口口口口口口口口口
幽人憩止之鄉且山川亦不能兼茂隨地勢所遇耳覽明
達之撫運乘機緘而理默指歲暮而歸休詠宏徽於刊勒

狹三閭之喪江矜望諸之去國選自然之神麗盡高樓之
意得余祖車騎建大功淮肥江左得免橫流之禍後及太
亂廢興隱顯當是賢達之心故選神麗之仰前哲之遺訓
所以申高樓之意經始山川實基於此

上虞縣志校續

卷四十三

文徵內編

四

俯性情之所便奉微軀以宴息保自事以乘閒愧班生之
夙悟慙尚子之晚研年與疾而偕來志乘拙而俱旋謝平
生於知遊棲清曠於山川謂經始此山遺訓於後也性情
向晦入宴息莊周云自事其心此二其所處班嗣本不
染世故曰夙悟尚平未能去累故曰晚研想遲二人更以
年衰疾至志寡求拙曰乘并可山居曰與其居也左湖右
知遊別故曰謝平生就山川故曰棲清曠

江往渚還汀面山背阜東阻西傾抱含吸吐款跨紆縈縣
聯邪互側直齊平枚乘曰左江右湖其樂無有此吳客說
湖而乏山巖此億江湖左右與之同而山嶽形勢城池所
無也往渚還汀謂四面有水而山背阜亦謂東西有山便
是四水之裏也抱含吸吐謂中央復有川款跨紆縈近東
謂邊背相連帶迂回處謂之邪互平正處謂之側直

則上田下湖西谿南谷石塚石滂閔硯黃竹決飛泉於百

俱森高薄於干麓寫長源於遠江派深恣於近瀆上田在

水口名爲田口下湖在田之下二處並有名山川西谿南

谷分流谷鄣水映入田口西谿水出始寧縣西谷鄣是近

山之最高峯者西谿便是口之背入西谿之裏得石塚以

石爲阻故謂之塚石滂在西谿之東從縣南入九里兩面

峻峭數十丈水自上飛下比至外谿封塋十數里皆飛流

迅激左右巖壁緣竹閔硯在石滂之東谿逶迤下注良田

黃竹與其連近南則會以雙流縈以三洲表裏回游離合

南界莆中也山川崿崩飛於東峭槃傍薄於西阡拂青林而激波揮白

沙而生漣雙流謂刺江及小江此二水同會於山南便合

表裏合是其貌狀也崿者謂回江岑在其山居之南界有

石跳出將崩江中行者莫不駭慄槃者是縣故治之所在

上虞縣志校續 卷四十三 文徵內編 五

江之口口用槃石竟渚近西則楊賓接峯唐皇連縱室壁

並帶青林而連白沙也帶谿會孤臨江竹緣浦以被綠石照澗而映紅月隱山而

成陰木鳴柯以起風楊中元賓並小江之近處與山相接

南岸壁小江北岸並在楊中之下壁高四十丈色赤故曰

照澗而映紅曾山之西孤山之南王子所經始並臨江皆

被以綠竹山高月隱便謂爲近北則二巫結湖兩習通沼

陰木集柯鳴便謂爲風也橫石判盡休周分表引修隄之逶迤吐泉流之浩漭山巖

下而回澤瀨石上而開道大小巫湖中隔一山外習周回

義熙中王穆之居大巫湖經始處所猶在兩習皆長谿外

習出山之後四五里許裏習亦隔一山出新塚橫山野舍

之北面常石野舍之西北巫湖舊唐故曰修隄長谿甚遠

故曰泉流常石巖口口口故曰下巖而回澤裏習漫石

南術之□□□□生巖□□成衍□岸測深相渚知淺洪
濤滿則曾石幾濤瀾滅則沈沙顯及風興濤作水勢奔壯
于歲春秋在月朔望湯湯驚波滔滔駭浪電激雷崩飛流
灑漾凌絕壁而起岑橫中流而連薄始迅轉而騰天終倒
底而見壑此楚貳心醉於吳客河靈懷慙於海若南術是其臨江
舊宅門前對江三轉曾山路窮四江對岸西面常石此二
山之間西南角岸孤山此二山皆是狹處故曰生巖勇門
以南上便大閘故曰成衍岸高測深渚下知淺也江中有
孤石沈沙隨水增城春秋朔望是其盛時故枚乘云楚太
子有疾吳客問之舉秋濤之美得以瘳病太子國之儲貳
故曰楚貳河靈河伯居河所謂河靈懼於海若事見莊周
秋水篇爾其舊居曩宅□□今園枌榭尙援基井具存曲術

上虞縣志校續

卷四十三

文徵內編

七

周季前後直陌矗其東西豈伊臨谿而傍沼迺抱阜而帶
山考封域之靈異實茲境之最然葺駢梁於巖麓棲孤棟
於江源敞南戶以對遠嶺關東窗以矚近田田連岡而盈
疇嶺枕水而通阡葺室在宅裏山之東麓東窗矚田兼見江山之美三間故謂之駢梁門前一棟枕嶼上存江之嶺南對江上遠嶺此二館屬望殆無優劣也阡陌縱橫塍埒交經導渠
引流脈散溝并蔚蔚豐稔苾苾香秔送夏蚤秀迎秋晚成
兼有臨陸麻麥粟菽候時規節遞藝遞孰供粒食與漿飲
謝工商與衡牧生何待於多資理取足於滿腹許由云偃鼠飲河不
過滿腹謂人生食足則歡有餘何待多須邪工商衡牧自
似多須者若少私寡欲充命則足但非田無以立耳

園之田自田之湖泛濫川上緬邈水區濬潭澗而窈窕除
菰洲之紆餘忠溫泉於春流馳寒波而秋徂風生浪於蘭
渚日倒景於椒塗飛漸榭於中沚取水月之歡娛旦延陰
而物清夕棲芬而氣敷顧情交之永絕覬雲客之暫如
此皆湖中之美但患言不盡意萬不寫一耳諸湖出源入湖故
曰濬潭澗深長是以窈窕除菰以作洲言所以紆餘也
水草則萍藻蘊蕒薹蒲芹蓀蒹菰蘋蘩蘊荇菱蓮雖備物
之借美獨扶渠之華鮮播綠葉之鬱茂含紅敷之續翻怨
清香之難留矜盛容之易闕必充給而後舉豈蕙草之空
殘卷斂舷之逸曲感江南之哀歎秦箏倡而溯游往唐上

上虞縣志校續 卷四十三 文徵內編 八

奏而舊愛還 舉出離騷斂舷是采菱歌江南是相和曲云
江南采蓮秦箏倡蒹葭篇唐上奏蒲生詩皆

感物致賦魚藻蘋蘩荇亦
有詩人之詠不復具敘 本草所載山澤不一靈桐是別

和緩是悉參核六根五華九實二冬竝稱而殊性三建異
形而同出水香送秋而擢蓓林蘭近雪而揚猗卷柏萬代
而不殞茯苓千歲而方知映紅葩於綠帶茂素蕤於紫枝

既住年而增靈亦驅妖而斥疵 本草所出藥處於今不復
依隨土所生耳此境出藥

甚多靈公桐君古之采藥醫緩古之良工故曰別悉參核
者雙核桃杏仁也六根者苟七根五茄根葛根野葛根

口根也五華者堇華芫華槎華菊華旋覆華也九實者車
前實槐實柏實兔絲實女貞實蛇牀實蔓荊實蓼實

也二冬者天明麥門冬三建者附子天雄烏頭水香蘭草
林蘭支子卷柏茯苓並皆仙物凡此眾藥事悉見於神農

其竹則二箭殊葉四苦齊味水石別谷巨細各彙旣修竦而便娟亦蕭森而翦蔚露夕沾而悽陰風朝振而清氣互捎雲以拂杪臨碧潭而挺翠茂上林與淇澳驗東南之所遺企山陽之遊踐遲鸞鷺之棲託憶崑園之悲調慨伶倫之哀籥衛女行而思歸詠楚客放而防露作二箭一者苦箭大葉一者苦笄箭細葉四苦清苦白苦紫苦黃苦水竹依水生甚細密吳中以爲宅援石竹本科叢大以充屋椽巨者竿挺之屬細者無菁之流也修竦便娟蕭森蔚皆竹貌也上林關中之禁苑淇澳衛地之竹園方此皆不如東南會稽之竹箭唯此地最富焉山陽竹林之游鸞鷺棲食之所崑山之竹任爲笛黃帝時伶倫斲其厚均者吹之爲黃鍾之宮衛女思歸作竹竿之詩楚人放逐東方朔感江潭而作七諫其木則松柏檀櫟□□桐榆

上虞縣志校續

卷四十三

文徵內編

九

檘柘穀棟楸梓檉樗剛柔性異貞脆質殊卑高沃瘠各隨所如幹合抱以隱岑杪千仞而排虛凌岡上而喬竦蔭澗下而扶疏沿長谷以傾柯攢積石以插衢華映水而增光氣結風而回敷當嚴勁而蔥倩承和煦而芬腴送墜葉於秋晏遲含萼於春初皆木之類選其美者載之山脊曰岡岡上澗下長谷積石各隨其方離騷云青春受謝白日昭只詩云鄂不韡韡也植物旣載動類亦繁飛泳騁透胡可根源觀貌相音備列山川寒燠順節隨宜匪敦草木竹植物魚鳥獸動物獸有數種有騰者有走者走者騁騰者透謂種類旣繁不可根源但觀其貌狀相其音聲則知山川之好興節隨宜自然之數魚則鰻鱧鮐鱗鯁鮠鯢鯪鮪鮓鮪鮪鯰非可敦戒也

鯨鱣輯采雜色錦爛雲鮮唼藻戲浪汎苻流淵或鼓鰓而

湍躍或掉尾而波旋鱸紫乘時以入浦鱖鮒沿瀨以出泉

鰻音憂鱧音禮鮒音附鱖音敘鱗音寸袞反鮓音睨鱣音

連編音悲仙反鮐音房鮐音痠音沙鱖音居綴反鱈音

上羊反鮠音比之反鱣音竹命反皆說文字林音詩云錦

袞有爛故云錦爛鱸紫乘時魚鱖音感鮒音迅皆出谿中

石上恆鳥則鴟鴻鵙鵙鵙鵙鵙鵙鵙鵙鵙鵙鵙鵙鵙鵙鵙鵙鵙

以爲玩鳥則鴟鴻鵙鵙鵙鵙鵙鵙鵙鵙鵙鵙鵙鵙鵙鵙鵙鵙

鳧朝集時鷓山梁海鳥違風朔禽避涼蕙生歸北霜降客

南接響雲漢侶宿江潭聆清哇以下聽載王子而上參薄

回涉以弁翰映明壑而自耽鴟音昆鴻音洪鵙音溢左傳

竺反鵙音秋鵙音路鵙音保鵙音相唐公之馬與此鳥色

同故謂爲鵙鵙鵙鵙鳥見張茂先博物志鵙音翟亦雉之

上虞縣志校續 卷四十三 文徵內編 十

美者此四鳥並美采質鳧音符野鵙也常待晨而飛鵙音

己消反長尾雉也論語云山梁雌雉時哉時哉海鳥爰居

臧文仲不知其鳥以爲神也事見左傳朔禽鴈也寒月轉

往衡陽禮記霜始降鴈來賓歲莫云鴈北向政是陽初生

時蕙生歸北霜降客南山山上則狻猊狸獾犴獾獾山

雞映水自翫其羽儀者

下則熊羆豺虎獬鹿麇麇擲飛枝於窮崖蹕空絕於深礪

蹲谷底而長嘯攀木杪而哀鳴狻音袁獾音魂狸音力之

反猓音曼似權而長狼之屬一曰樞狹音安黠反獾音五懸

生反狸之黃黑者一曰似狨豺音在皆反獬音元野羊大

角麇音鬼珉反麇音京能蹕緡音緡緡不投置羅不披礮弋靡

擲虎長嘯猿哀鳴鳴聲可翫

用蹄筌誰施鑑虎狼之有仁傷遂欲之無崖顧弱齡而涉

道悟好生之咸宜率所由以及物諒不遠之在斯撫鷗鰈

而悅豫杜機心於林池八種皆是魚獵之具自少不殺至

周云虎狼仁獸豈不父子相親世云虎狼暴虐者政以其

如禽獸而人物不自悟其毒害而言虎狼可疾之甚苟其

遂欲豈復崖限自弱齡奉法故得免殺生之事苟此悟萬

物好生之理易云不遠復無祇悔庶乘此得以入道莊周

云海人有機心鷗鳥舞而不下今

無害彼之心各說豫於林池也敬承聖誥恭窺前經山

野昭曠聚落羶腥故大慈之宏誓拯羣物之淪傾豈寓地

而空言必有貸以善成欽鹿野之華苑羨靈鷲之名山企

堅固之貞林希菴羅之芳園雖粹容之緬邈謂哀音之恆

存建招提於幽峯冀振錫之息肩庶鐙王之贈席想香積

之惠餐事在微而思通理匪絕而可溫賈誼弔屈云恭承

嘉惠敬承亦此之

上虞縣志校續

卷四十三

文徵內編

十一

流聚落是墟邑謂歌哭諍訟有諸喧嘩不及山野為僧居

止也經教欲令在山中皆有成文老子云善貸且善成此

道惠物也鹿苑說四真諦處靈鷲山說般若法華處堅固

林說泥洹處菴羅園說不思議處今旁林藝園制苑彷彿

在昔依然託想雖粹容緬邈哀音若存也招提謂僧不能

常住者可持作坐處也所謂息肩鐙王香積事出維摩經

論語云溫故知新理既不絕更爰初經畧杖策孤征入澗

宜復溫則可待為已之日用也

水涉登嶺山行陵頂不息窮泉不停櫛風沐雨犯露乘星

研其淺思罄其短規非龜非筮擇良選奇翦榛開徑尋石

覓崖四山周回雙流逶迤面南嶺建經臺倚北阜築講堂

傍危峯立禪室臨浚流列僧房對百年之喬木納萬代之

芬芳抱終古之泉源美膏液之清長謝麗塔於郊郭殊世

間於城傍欣見素以抱樸果甘露於道場云初經畧躬自履行備諸苦辛

也罄其淺短無假於龜筮貧者既不以麗為美所以即安茅茨而已是以謝郊郭而殊城傍然清虛寂寞實是得道之所

也之所苦節之僧明發懷抱事絕人徒心通世表是遊是憩

倚石構草寒暑有移至業莫矯觀三世以其夢撫六度以

取道乘恬知以寂泊舍和理之窈窕指東山以冥期實西

方之潛兆雖一日以千載猶恨相遇之不早謂曇降法流二法師也二

公辭恩愛棄妻子輕舉入山外緣都絕魚肉不入日糞掃必在體物見之絕歎而法師處之夷然詩人明發不勝造

道者其亦如此往石門瀑布中路高樓之遊昔告離之始期生東山沒存西方相遇之欣實以一日為千載猶慨恨

不早賤物重已棄世希靈駭彼促年愛是長生冀浮邱之誘

上虞縣志校續 卷四十三 文徵內編 三

接望安期之招迎甘松桂之苦味夷皮褐以頽形羨蟬蛻

之匪日撫雲霓其若驚陵名山而屢憩過巖室而披情雖

未偕於至道且緬絕於世纓指松菌而興言良未齊於殤

彭此一章敘仙學者雖未及佛道之高然出於世表矣浮邱公是王子喬師安期先生是馬明生師二事出列仙

傳洞真經云今學仙者亦明師以自發悟故不辭苦味頽形也莊周云和以天倪倪者崖也數經歷名山遇余巖室

披露其情性且獲長生方山作水役不以一牧資待各徒

隨節競逐陟嶺刊木除榛伐竹抽笋自篁擿籜于谷楊勝

所拮秋冬蕭獲野有蔓草獵涉蓼藁亦醞山清介爾景福

苦以朮成甘以樁熟慕楫高林剝芟巖椒掘蒨陽崖擿櫛

櫛

陰標晝見拳茅宵見索絢芟菰翦蒲以薦以菱既坭既埏

品收不一其灰其炭咸各有律六月採蜜八月撲粟備物

為繁畧載靡悉此一章謂是山作及水役採拾諸事也然

子蘊音覆字出字林詩人云六月食鬱及藟獵涉字出爾

雅尤尤酒味苦樻樻酒味甘並至美兼以療病樻治癰核

尤治痰冷樻音甚味似菰菜而勝刊木而作之謂之藟菝

音及採以為紙樻音倩採以為染樻音鈔採以為飯採蜜

撲栗各隨若迺南北兩居水通陸阻觀風瞻雲方知厥所

其月也兩居謂南北兩處各有居止峯嶽阻絕南山則夾渠二田

水道通耳觀風瞻雲然後方知其處所

周嶺三苑九泉別澗五谷異巘羣峯參差出其間連岫複

陸成其坂眾流灌溉以環近諸堤擁抑以接遠遠堤兼陌

上虞縣志校續

卷四十三

文徵內編

三

近流開湍淩阜泛波水往步還還回往匝枉渚員巒呈美

表趣胡可勝單抗北頂以葺館殷南峯以啟軒羅曾崖於

戶裏列鏡瀾於窗前因丹霞以頽楣附碧雲以翠椽視奔

星之俯馳顧□□之未牽鷗鴻翻翥而莫及何但鷺雀之

翩翩沈泉傍出潏潏於東檐桀壁對峙磴礧於西霽修竹

歲蕤以翳蒼灌木森沈以蒙茂蘿曼延以攀援花萼薰而

媚秀日月投光於柯間風露披清於喂岫夏涼寒燠隨時

取適階基回互檠櫺乘隔此焉卜寢翫水弄石邈即回眺

終歲罔斃傷美物之遂化怨浮齡之如借眇邈逸於人羣

長寄心於雲霓

南山是開創卜居之處也從江樓步路跨越山嶺綿亘田野或升或降當三里許塗

路所經見也則喬木茂竹綠吟彌阜橫波疏石側道飛流以為寓目之美觀及至所居之處自西山開道迄於東山二里有餘南悉連嶺疊郭青翠相接雲煙霄路殆無倪際從逕入谷凡有三口方壁西南石門世口南口池東南皆別載其事緣路初入行於竹逕半路澗以竹渠澗既入東南傍山渠展轉幽奇異處同美路北東西路因山為郭正北狹處踐湖為池南山相對皆有崖巖東北枕壑下則清川如鏡傾柯盤石被隩映渚西巖帶林去潭可二十丈許葺基構宇在巖林之中水衡石階開窗對山仰眺曾峯俯鏡濬壑去巖半嶺復有一樓迴望周眺既得遠趣還顧西館望對窗戶緣崖下者密竹蒙逕從北直南悉是竹園東西百丈南北百五十五丈北倚近峯南眺遠嶺四山周回溪澗交過水石林竹之美巖岫喂曲之好備盡之矣刊翦開築此焉居處細趣密翫非可具記故較言大勢耳越山列其表側傍緬因以小湖鄰於其隈眾流所湊萬泉所回□□為異觀也

上虞縣志校續

卷四十三

文徵內編

古

沈濫異形首誌終肥別有山水路邈緬歸

沈濫肥誌皆是泉名事見於詩

云此萬泉所求歸其路迺界北山棧道傾虧蹙閣連卷復湊各有形勢

有水逕繚繞回圓瀾瀾平湖泓泓澄淵孤岸竦秀長洲芊

綿既瞻既眺曠矣悠然及其二川合流異源同口赴隘入

險具會山首瀨排沙以積邱峯倚渚以起阜石傾瀾而捎

巖木映波而結藪逕南滑以橫前轉北崖而掩後隱叢灌

故悉晨暮託星宿以知左右

往反經過是非巖澗便是山水逕洲島相對皆有趣也

川澗石州岸草木既標異於前章亦列同於後牘山匪礪

而是岵川有清而無濁石傍林而插巖泉協澗而下谷淵

轉渚而散芳岸靡沙而映竹草迎冬而結葩樹凌霜而振
綠向陽則在寒而納煦面陰則當暑而含雪連岡則積嶺
以隱嶙舉峯則羣竦以巖嶭浮泉飛流以寫空沈波潛溢
於洞穴凡此皆異所而咸善殊節而俱悅土山戴石曰砢山有林曰岵此
章謂山川眾美亦不必有故總敘春秋有待朝夕須資既
其最居山之後事亦皆有尋求也

耕以飯亦桑買衣藝菜當肴採藥救頽身外何事順性靡

違法音晨聽放生夕歸研書賞理敷文奏懷凡厥意謂揚

較以揮且列於言誠特此推

謂寒待綿纈暑待絺綌朝夕
食飲設此諸業以待之藥以

療疾又在其外事之相推自不得不然至於聽講放生研
書敷文皆其所好韓非有揚較班固亦云揚較古今其義

上虞縣志校續

卷四十三

文徵內編

五

一也左思曰為左

北山二園南山三苑百果備列乍近乍

遠羅行布株迎早候晚猗蔚溪澗森疏崖巘杏檀榛園橘

林栗圃桃李多品梨棗殊所枇杷林檎帶谷映渚樾梅流

芬於回巒棹柿被實於長浦

莊周云漁父見孔子杏檀之
上維摩詰經榛樹園楊雄蜀

都賦云橘林左太冲亦云戶有橘柚之園桃李所殖畦町
甚多棗梨事出北河濟之間淮潁諸處故云殊所也

所藝含蘂藉芳蓼葢蓼薺葑菲蘇薑綠葵脊節以懷露白

薤感時而負霜寒蔥標倩以陵陰春藿吐苕以近陽

葑菲見詩

柏舟中管子曰北伐山戎得寒蔥庾闡云寒蔥挺園灌溉自供不待外求者也

弱質難恆頽齡易

喪撫鬢生悲視顏自傷承清府之有術冀在衰之可壯尋

名山之奇藥越靈波而憩轅採石上之地黃摘竹下之天

門撫曾嶺之細辛拔幽澗之溪蓀訪鍾乳於洞穴訊丹陽

於紅泉此皆住年之藥即近山之安居二時冬夏三月遠

僧有來近眾無闕法鼓朗響頌偈清發散華霏麩流香飛

越析曠劫之微言說像法之遺旨乘此心之一豪濟彼生

之萬理啓善趣於南倡歸清暢於北機非獨愜於予情諒

僉感於君子山中兮清寂羣紛兮自絕周聽兮匪多得理

兮俱悅寒風兮搔屑面陽兮常熱炎光兮隆熾對陰兮霜

雪惕曾臺兮陟雲根坐澗下兮越風穴在茲城而諧賞傳

上虞縣志校續

卷四十三

文徵內編

古今之不滅

眾僧冬夏二時坐為之安居輒九十日眾遠近聚萃法鼓頂偈華香四種是齋講之事析

說是齋講之義乘此之心可濟彼之生南倡者都講北機者法師山中靜寂實是講說之處兼有林木可隨寒暑恆

得清和以好生之篤以我而觀懼命之盡吝景之懼分一為適也

往之仁心拔萬族之險難招驚魂於殆化收危形於將闌

漾水性於江流吸雲物於天端覩騰翰之頡頏視鼓鯁之

往還馳騁者儻能狂愈猜害者或可理攀云物皆好生但以我而觀便可

知彼之情吝景懼命是好生事也能放生者但有一往之仁心便可拔萬族之險難水性雲物各尋其生老子云馳

騁田獵令人心發狂猜害者恆以忍哲人不存懷抱誰質害為心見放生之理或可得悟也

糟粕猶在啓滕剖裘見柱下之經二覩濠上之篇七承未

散之全樸救已頹於道術簷夫六藝以宣聖教九流以判
賢徒國史以載前紀家傳以申世模篇章以陳美刺論難
以覈有無兵技醫日龜筮筮夢之法風角豕宅算數律歷
之書或平生之所流覽竝於今而棄諸驗前識之喪道抱
一德而不渝莊周云輪扁語齊桓公公之所讀書聖人之
糟粕滕者金滕之流也柱下老子濠上莊子
二七是篇數也云此二書最有理過伊昔齟齬實愛斯文
此以往皆是聖人之教獨往者所棄

援紙握管會性通神詩以言志賦以敷陳箴銘誄頌咸各
有倫爰暨山棲彌歷年紀幸多暇日自求諸已研精靜慮

貞觀厥美懷欣成章含笑奏理謂少好文章及山棲以來
別緣既闌尋慮文詠以盡

上虞縣志校續 卷四十三 文徵內編 七

暇日之適便可得通神會性以永終朝若迺乘攝持之告評養達之篇畏絕

迹之不遠懼行地之多艱均上皇之自昔息下衰之在旃

投吾心於高人落賓名於聖賢廣滅景於崆峒許遁音於

箕山愚假駒以表谷涓隱巖以奉芳庚宅暑以葆和輿陟

峩而善狂萊庇蒙以織畚徐韜魏而采茅皓棲商而頤志

卿寢茂而敷詞鄭別谷而永逝梁去霸而長噫高居唐而

胥宇臺依崖而穴墀咸自得以窮年眇貞思於所遺老子云善

攝生者莊子云謂之不善持生又云養生有無崖達生者

不務生之所無奈何絕迹上皇下衰賓名義亦皆出莊周
廣成子在崆峒之上黃帝之師也許由隱於箕山堯以天
下讓而不取愚公居於駒阜齊桓公逐鹿入山見之涓子

隱於岩山好餌朮告伯陽琴心三篇庚桑楚得老子之道
居岷巖之山楚狂接輿楚王聞其賢使使者聘之於是遂
游諸名山在蜀峨眉山上徐無鬼巖棲魏侯勞之問先生
苦山林矣乃肯見寡人無鬼問君細嗜欲屏好惡則耳目
察矣常采芣粟老萊子耕於蒙山之陽著書十五篇言道
家之事織畚爲業四皓避秦亂入商洛深山漢祖召不能
出司馬長卿高才而處世不樂預公卿大事病免家居茂
陵鄭子真耕隱谷口大將軍王鳳禮聘不屈遂與弟子別
於山阿終身不反梁伯鸞隱霸陵山中耕織以自娛後復
入會稽山臺孝威居武安山下依崖爲土室采藥自給高
文通居西唐山 暨其窈窕幽深寂漠虛遠事與情乖理與
從容自娛也

形反既耳目之靡端豈足迹之所踐蘊終古於三季俟通
明於五眼權近慮以停筆抑淺知而絕簡

謂此既非人跡
所求更待三

五通然後可踐履耳故停筆絕簡
不復多云冀夫賞音悟夫此旨也

上虞縣志校續

卷四十三

文徵內編

六

論守禦大計狀

宋李光

臣以孤蹇無能之身蒙陛下起之流落放棄之中更歷內
外浸冒器使十稔於茲布衣衡茅之士遭遇如臣者果幾
人哉顧惟天地父母之恩雖碎首屠肝豈能稱塞臣到任
未幾恭聞大駕移蹕平江府將親御戎輅誓師兩淮此臣
捐軀効命之秋念方拘縻郡綬留滯海濱上之不能吐奇
策以佐軍謀下之不能執干戈以衛宗社乞扈從則貽干
進之譏獻謀議則興空言之誚夙夜憂忿莫知計之所出
臣聞忠臣不以出處二其心正士不以險夷易所守臣豈

敢預憂小人不根之言遽有所畏避哉况臣陛辭之日陛下嘗許臣以言倘有所見其忍緘默臣伏覩關報劉光世張俊捍禦大敵三捷繼聞海寓流傳孰不慶幸然臣聞強敵擁兵淮陽宿亳之間坐觀勝敗此其志不淺趙充國之擊敵以殘滅爲期孫權每戒江上諸將不貪小利臣是以未敢以諸將奏捷爲喜而方以金國大隊深入爲憂昔楊珉問朱伺曰將軍前後擊賊何以每勝伺曰兩敵共對惟當忍之彼不能忍我能忍以是勝耳漢祖與項羽對壘晉宣與諸葛亮相持方形勢未便孤軍遠來未嘗與之爭鋒

周亞夫深壁以卻吳軍光武堅營以降銅馬此皆已事之驗臣觀今日敵人布置必有主謀願陛下勿輕此戰今朝廷所恃獨一韓世忠彼必以精銳當之而劉麟輩出沒光黃廬壽間以牽制諸將而分吾力金兵必自淮揚以入楚泗若社稷之靈世忠足以禦之則無復事矣萬一眾寡不敵便有瓦解之勢昔楚屈完謂齊桓公曰楚國以方城爲城漢水爲池雖君之眾無所用之魏文帝至廣陵見波濤洶湧歎曰此天所以限南北也兵法謂善守者敵不知所攻今陛下已據東南形勝之勢敵人萬里遠來投兵死地

利於速戰而不利於遲久今不務持重而誇一世之功決
一旦之命臣恐正墮敵計非策之得也臣狂瞽之言曩備
數從列方閒燕進退造膝之語所謂萬全之策嘗爲陛下
陳之矣金國往年來狩無所得去冬又無所得而去土馬
折傷固已大半異時雖欲復驅眾攻我孰肯爲用者此乃
坐制強敵之術臣愚伏望陛下戒勅諸將各務持重不過
隱忍三兩月間彼師老食盡然後廣設方畧出兵追擊或
邀其歸途我得勝算矣僞齊恃金爲強金師旣退則劉豫
父子豈能立國乎復宗祖之故疆還二聖於沙漠當在此
舉惟陛下特加聖慮臣狂愚冒昧無任惶懼激切待罪之
至謹具狀奏聞伏候勅旨

林泉歸隱記

明
張居傑

古虞東郭行不二舍近日朱菴其土廣衍以沃修篁嘉樹
蔚然蒼翠迴巒疊巘秀巖屏障清流曲折襟帶乎左右芳
野幽禽日接乎耳目是宜隱者之所居也朱氏子徽世居
其地外力田園內勤詩書旣滋且殖爰質而文其心休休
焉以和其貌油油焉以澤樂此林泉之美若將終身焉洪
武中入庠永樂中辟掾有司考最績入銓曹竟以母老疾

辭翩然東歸自號林泉歸隱與兄子徽構同心堂躬孝敬
篤友愛延明師教諸子以敦善行縉紳士夫莫不高尙其
志而推重之贈以詩章予謂李愿歸隱盤谷初未知合於
義否也得韓子之文而名益重人皆爭效慕之然世所謂
隱者固非君子之得已也聖人時而行時而止無可無不
可子徽之隱時乎否乎吾知子徽抱奇瑰際明時振刷羽
毛凌厲霄漢於以世用何施不宜而乃翻然效慕乎愿之
樂而林泉以自適也耶噫子徽之隱蓋有不獲已之至情
而又非李愿之可同日語者抱用世之具傷考殉國惻母
孀居陳情終養官顧不願祿甘永辭超時特出於紆紅曳
紫之中浩然長往於丹崖青壁之下蒼顏皓首幅巾優悠
藜杖高蹈於雲間塵外之人通而隱隱而通孝亦忠忠亦
孝豈絕然果於忘世者也身江湖心廊廟跡泉石行公卿
非尋常隱者流也敢記其心於卷末云爾

處士友山徐先生墓誌銘

潘府

徐之姓出自伯益之受封也後世遂以國爲姓而蔓延天
下矣宋[淳]祐間教授慶元者缺道經上虞樂管鄉之勝家
焉簪纓之光相望至今公去教授七世僉事喬年公從祖

隱居竹溪君公父偉儀觀優才幹而宏孝義傑士也景泰中歲大饑家且火重以官府苛刻之征門祚涼矣公以一身百支再造門牆而重堂室左右二親作厥家成立諸弟及孤姪皆爲有於無而綽然者也以四物教子車螢孫雪范粥汪菜以三事自怡撫牙琴醉陶酒弄邵丸客至必款洽旬日談吐則滾滾道義諱浪則潑潑春風也常掌萬石鄉食其惠而曲直質焉工史學精楷墨善吟詠深而古尤妙曾揚之學從孫子熙第進士直文華殿亞卿也亦妙此常與之杖履於山日無遺穴子熙曰造化精妙先生盡之上虞縣志校續

卷四十三

文徵內編

三

矣公諱澄字本淵別號友山生永樂癸卯三月十六日卒成化甲辰九月廿四日配劉氏平淡先生之仲女也優四德爲九族母者師合葬於洙溪覆釜穴子二長文相配劉氏繼黃氏卒從葬於公之墓左禮也次文彪應經明行修聘對策詆逆宦竟坐貶不起配姚氏孫十烏虜公之生也戴道義而居公之歿也挈道義而歸於道義乎幾得而存歿也奚悲銘曰虛乎其中充乎其容非官而榮非祿而豐壁立塵空白雲春峯墳乎斯翁千古高風

慎簡輔臣疏

陳紹

爲慎簡輔臣以崇政本事臣等伏覩邸報八月十五日欽
奉手勅吏部嚴嵩著兼武英殿大學士在內閣同鑿辦事
仍且掌禮部事欽此欽遵臣等有以仰見陛下用人圖治
之盛心矣臣等竊惟內閣輔臣國初以翰林學士等官入
侍備顧問後以六卿兼領其職入閣辦事其於天下之事
咸共平章而內閣之寄始重委任之隆亦加於昔矣夫其
寄重則不可以輕畀任隆則必期於得人方今以堯舜之
主君臨在上固已鞏天下於泰山磐石之安然邇年以來
邊境多事征守未息軍國調度之事日夕敷聞而絲綸密
勿之任賴以贊襄設非純德之儒宿望之老以充茲選鮮
有不辜負陛下之倚託者切照原任禮部尙書嚴嵩歷任
部事勤勞固有可錄然其人外爲謹飭中存巧詐內無可
否事多依違競奔趨而賤名檢崇文飾而鮮忠誠至其昵
匪人黷貨賂各有指實屢被言官論劾已莫逃於聖明之
洞鑒矣今以內閣重寄畀之於嵩臣等仰知陛下爲天下
任人必不以輔臣之位私一嵩也然陛下以天下之公心
用嵩而嵩或不能以公心報陛下臣等恐其承命之後滌
私未盡故態復生必將有忝於成命其何以上副聖天子

倚畀之盛心耶且輔臣係表帥百僚之任天下之所望而觀焉者也如嵩者庸劣素鄙於縉紳識度見輕於士論以之列置具瞻將何以風厲天下羽儀羣工昔唐楊綰拜相京兆尹減騶從郭子儀徹座中聲樂頃刻轉移風采立見宋司馬光拜相遼人戒飭邊吏慎無生事開邊隙遠人戢畏不俟崇朝是二臣之德望素所重於人者然也嵩之被命果有是耶嵩爲禮部止一職爾尙不能盡屢被論劾况今重膺寵命又安望其克勝而無負哉伏望陛下收嵩內閣成命別選碩德重望以充斯任則宗社幸甚天下幸甚

上虞縣志校續

卷四十三

文徵內編

十四

臣等與嵩素非相識亦無私憾但稽其素履采之輿情似有不相協者臣等待罪言官有所聞知不敢隱默謹昧死以聞臣等無任戰慄隕越之至

金罍山人對

陳絳

上虞城西南偏有山踴踴潔立於煙市野水中與雉堞上下老檜修篁停雲寫霧望之鬱然者金罍山也山之崇不竟數仞廣以畝計者百而羸虞四面多大山皆障起壁絕獨是邈焉蓋魁父然而山稱舊矣志曰漢魏伯陽氏所嘗棲真也迨晉太康中有於此濬井得金罍者故山名云陳

子者邑人讀書其山而樂之狡焉將遂據而有之因自署
金壘山人或問金壘山人子何選於是夫升高望遠可以
曠懷攬幽極深可以怡性迺金壘有一與若吾虞故饒佳
山水諸足以稱子需矣昔者謝公之屐翩焉猶曰疲於奔
命弗之遑也而子果儻然無意乎何以蹈埴井而雄視東
海與山人對曰唯唯否否誠然子之言然味之酸鹹嗜也
子能爲我耶吾聞之卽境而適不在高大山曰高乎泰山
高矣崑崙俯之俯崑崙者無山與是亦焉所底止如以爲
皆山而已矣則嵬乎萬仞非有餘於絕頂之外儉乎一邱

非有蹙於容足之中故曰毫末之爲邱山也而何羨乎夫
幽顯喧寂而心爲境天下非有真境也逃名者必山林濫
巾竊吹者不黷乎誠虛吾之心以遊於世則畔也可藏市
也可隱卽蟻邱有自塚之民而馬門有肥遯之吏由此觀
之委順而逍遙矣又何必攬長蘿援飛莖跨穹窿之懸磴
歷幽昧之絕徑守枯平介山發狂乎華峯而后謂之寥朗
者哉吾之讀書其山也有年矣蓋私心誠慕而樂之自是
而周遊天下衡足之所躡衡睇之所及以爲未嘗有山焉
者固已神恍三山而氣壓五嶽彼會稽四明赤城雁蕩太

微元蓋之天金華寶陀方蓬之島擊雲蔽日喬絕於吳越者舉不足以供吾之一瞬而況百樓五癸蘿巖蘭阜妄有名字於吾虞者乎是何以易吾之處乎問者曰固而不可徹者子之謂矣抑宇宙此山子烏得晏而有之夫山之一草木盡屬他人之籍而子將奚攘耶山人對曰唯唯否否有也者將筇藏而鍵扃耶彼固天地之塊物矣誠會之以心而遊之以神則過而未始留取而孰或禁故天地萬物而富有於吾性之內者充如也而獨此山也與哉語曰仁者樂山有其山者也孰謂巢由買山而稱箕山者必巢由

其精神性術既恆與之宜而氣魄力量又適與之對故生而以其實契之歿而以其名配之度其賢豪特達感慨而登臨者古今豈乏也耶而曾莫與之爭安知金罍非吾之箕穎也耶問者曰是亦或之然矣藏山於澤夜半有力者不負而去乎夫山人得而有之則魏氏固窟宅於此矣山人對曰唯唯否否斯亦未覩厥理也相尙以道不聞以力元凱之賢而不能與叔子爭一峴首其道貶也夫有對而後與之爭儒者之道無對於天下而神仙者流迺能役其游魂倚險而與吾角斯邱也聲吾儒之說鼓行而前猶有

繳乎將圖其督亢縞車服而陳乎道左吾得有斯山信矣
問者於是默默不復致辯而去頃之山人亦隱几就睡夢
有鬚眉皓潔偉衣冠者肅前曰予山之靈也辱子之不鄙
予甚善雖然辱子守矣擣人者乘其虛子毋迺適它日馳子
以當塗而遺我以空山與則厚顏蒙恥曠膽而怒目者訖
有人矣卽山之草木皆敵兵也況宿其不平而伺者與山
人愧其言踧踖未對嬰然就悟歎曰非山君爲我耶儒者
之道不苟爲富貴而神仙之所棄也將以贗儒而富真仙
勝負之變倏然移矣然安可終視也耶迺酌於九井之水
賦以招我不然將移文以謝我

劾嚴嵩疏

徐學詩

刑部江西司署郎中事主事徐學詩謹奏爲奸貪輔臣欺
君誤國乞賜罷斥以清國本事頃者京師戒嚴畿甸被兵
焚殺之慘前所未有致塵皇上勅論文武羣臣凡有見聞
人人盡言昨又指示部院科道諸臣仰見皇上憂勤傷厲
之心先事預防之慮羣臣莫不震疊思效條舉目陳而未
嘗有探本之論盡言於皇上者臣備員郎署非不知隱默

遷延可以苟祿全身而出位言事罪不容死伏念委質爲臣身非已有覩事積憤義激於衷又遵奉聖諭人許盡言所以不避貴勢冒昧陳之臣惟外攘之備在急修內治內治之要貴先端政本厯觀前史得人則理匪人則亂其言似迂其應如響竊見大學士嚴嵩位極人臣職司政本奸險莫測貪黷無止以內勳貴之交結以外羣小之趨承賄賂填門舟車載道凡文階武職自布按叅遊以下瑣瑣無論至於巡撫總兵等官每一遷擢例索銀千兩諸他珍奇玩異之物擅擬上用者難以數計蓋不如是卽不能安其

位凡此非扣軍衣糧則剝民脂膏而來也故嵩每歲四季遣家人數十輩回籍樓檣坐船更番迭運擅役夫隸冒支關廩沿河驛遞州縣望風迎順嵩輔政十年不爲不久不爲不專大臣不法小臣鮮廉民貧軍削日甚一日釀成國患其所由來漸矣而嵩猶泄泄焉自爲得計日肆欺罔臣嘗記嵩往歲叅論序班龔桔等疏內無故自表云寸絲尺帛不敢收受門可羅雀等語萬目所視萬手所指將誰欺欺天平然此特無事時耳見今邊事孔棘武備廢弛正宜張皇六師克詰戎兵之日況身居元輔世受皇恩如嵩者

尤宜食不下咽寢不帖席創往更新捐軀殉國圖贖前愆而何謬引老子佳兵不祥之說以謾清問且貪饕如故恬不知省蘇州總兵羅希韓奉旨拿問嵩子太常卿嚴世蕃接收失事問革李鳳鳴銀二千兩囑伊代任他日鳳鳴必將培尅軍卒取償倍利尙安望其練精蓄銳爲京師之屏蔽哉漕運總兵缺員世蕃又接收年老昏庸郭琮銀三千兩囑伊推補他日琮必將培尅軍卒取償倍利又安望其釐奸清弊爲漕河之保障哉此二臣者失事老廢眾所共知又當多事之秋一旦舉而委之重任聞者莫不錯愕問

故而臣亦得以知其概又近日史館書辦例與八品此聖恩也該部未題之先世蕃卽邀爲己力而預索顧希曾陳世良銀一千二百兩王府科缺至猥瑣也舊吏未滿之日世蕃卽許爲註撥而預受盛克相銀三百兩蓋大而銓曹本兵之選擢起用微而官辦胥吏之營求頂撥以世蕃權臨勢託而得美地者十嘗八九臣徒見積忿痛心流毒滿耳固不能以悉數而亦不敢以瀆聞網利之密不遺鉅細誠前此輔相所未有之貪亦所未有之富也夫嵩節蒙皇上之優賚久叨一品之厚祿厯計不下數萬似可充其欲

矣而不知足承平無事賣官鬻罪賂遺請託之賊何啻百萬似可充其欲矣而不知足奈何宵旰不遑國家多事緊急用人之際京師安危糧餉緩急所倚賴之臣而復以賄囑之李鳳鳴郭琮爲之不知嵩之心何心也又自九月初旬以來嵩之私宅後門暗集車輛數十搬運行李出張家灣旬日未息本月十三日黎明時分嵩又潛自直所出私宅看發女轎四十餘頂回去非嵩眷屬卽世蕃眾多之妾媵也今潞河樓船一十二號滿載南旋亦自知其非各船封識悉假別衙門名號以誑道路臣聞君逸臣勞又聞主憂臣辱嵩旣平時不克任事以成主上之逸臨變又乏籌策以舒宵旰之憂及事稍寧人尙驚洶卽顧其家屬重賄悉徙而南以先眾望於己得矣如君父何如國事何負皇上天地罔極之恩積天下神人共憤之禍不知嵩之心何心也臣受職至今每接士大夫論及嵩父子無不切齒痛恨而七八年間竟無一人少敢牴牾誠以內外盤結積久勢成而世蕃狡鷲擅執父政諸衙門奏請稍涉疑畏者必先關白世蕃而後聞凡票擬密經其手故勅旨未下而世蕃卽以宣示於外又嵩權柄足以假手下石機械足以先

發制人勢力足以廣交自固乘機構隙足以示威脅眾文詞便給足以飾非強辯而精神警敏又揣摩精巧足以趨利避害而彌縫缺失其私交密會合色甘言又足以結當路之懽心而緘其口卽巨奸老猾鮮能逃其術者幸今天威在上離照方中先經論嵩者不能顯禍於正言直指之時往往託事假人陰中於遷除考察之際臣晚進不能悉記姑卽目覩如先任給事中王燭陳瑄御史謝瑜童漢臣等彼時俱蒙聖恩寬宥而今安在哉故天下之人視嵩父子如鬼如蜮不可識度痲心疾首敢怒而不敢言者誠畏

其陰中之不測也伏乞皇上勅下科道備加詢訪指實叅論如果臣言不妄將嵩父子並賜罷斥別簡忠良委任責成乾綱總攬於穆清之上而六卿分治其職自無阻撓箝脇之患天下官司庶府庶幾革心向化而安攘之政一舉可振內順治而外威嚴尙何強敵之足患哉此聖諭所謂破敵攘外之大端也昔宋臣岳飛以精忠神算之將當偏安板蕩之餘論天下太平不過曰文官不愛錢武官不惜死而已況今四海一統聖人在天子之位又何太平之難致然大臣不正而責小吏之廉必不可得文臣愛錢而責

武臣之死亦不可得今巷街小民亦相語云敵人到門前
閤老還要錢有口不敢言況陳列食祿者乎故臣不量孤
寒踰分觸權於嵩實無一毫之私怨惡也倘涉虛誣甘受
欺罔之誅死無悔憾謹奏

貞素先生垣溪葛公行狀

謝瑜

貞素先生諱滂字天恩號松窗姓葛氏其先瑯琊諸縣人
也後徙於陽都五代漢時有諱政一者爲上虞令民德之
因家焉以儒世其家國初時有諱貞者號悠然以學行著
累徵不就有悠然集行於世先生之高祖也悠然生啟承

上虞縣志校續

卷四十三

文徵內編

三

樂中爲監察御史御史生塤以孫貴贈通議大夫大理寺
卿配鄭氏贈淑人生鍊號味清嗜學篤行有蚓吟稿藏於
家配丁氏生先生生而岐嶷溫粹潛心志學味清公
乃教以學易母丁氏勤儉敬共嘗貶食縮衣以佐其贏糧
負笈之費於是躍川北巖張公鑑塘謝公皆以易學名於
士林先生及其門各得其蘊奧晝習夜思意有所得細書
密記寒暑飢渴不知也居邑庠以醇謹篤學稱爲文不事
葩藻惟務達意近裏往往於時好弗投而辨析淹貫每有
獨得質疑辨惑者戶外之屨常滿假館受業者至無地以

容瑜亦分其門下半席者也束脩必擇而後受貪不給者時以鹽米薪蔬繼之教必先躬行而後文藝誘掖啟迪各隨其量而尤必出於至誠故多所成就少時父母多病湯藥必親製親嘗因明於醫藥及卒哀毀幾絕喪葬必誠必信墓在董家畧悠然公之側去家十里而近歲時肅衣冠展省至老不廢瑜及門時髮尙短先生之冢嗣安甫桷尙未蓄髮然英悟不羣出語輒超長者先生喜曰吾不見於吾身於吾兒見之矣比長有聲於庠校輿望攸屬而猶未利於有司先生無悶仲子檣亦爲邑庠生先生慨然歎曰自少窮經不爲不久矣乃今白首與兒輩稱弟子員豈宜然哉欲焚筆瘞硯而理耕釣之具時督學陳岑山公留而難之通學師友備呈表其志行始得請自是益究心於東垣丹溪之術每出已意授劑輒効歲市佳藥以應邑人之求而不責其報故人稱之爲垣溪先生嘉靖庚子安甫以易薦於鄉先生不色喜甲辰登進士出宰常熟先生語之曰官以父母名豈易稱乎惟汝勉之又貽書戒之曰知汝不貪吾無慮矣吾嘗見廉者多刻亦有皦皦嶢嶢以致污缺者殊不知不貪固居官常分耳可自多乎惟汝戒之迨

迎養於官所每食必舉手加額曰君賜也汝知圖報吾食始甘先生從兄大理兩溪公嘗宰五河守邵武從子大參卮山公嘗守淮皆有惠政民遺思俎豆之必舉以爲勸吾鄉昔有宰常熟者以貲甲邑里而今漸盡矣必舉以爲戒又嘗曰歲給祇候當役其力不當入其值雖有例亦充類未盡之義安甫并卻之論者以爲矯枉之過先生聞之曰與其不及也盜過昔一峯羅公不受是或一道也安甫奉以周旋益加砥礪爲廉仁稱首竟以皦皦致誣謗落職士民咸奔走欲白其事先生令止之及代巡禩岡徐公察其

誣奏辨復職候於銓部者踰二年終以無力阻閣先生爲書召之曰非道而得貧賤君子不去汝何栖栖如是戀雞肋耶安甫乃歸先生平居寡嗜慾善調攝無少恙咸謂期頤未艾也丙辰正月十二日晡食後暈而復蘇曰吾無恙見子若孫環侍林立曰吾子孫可做好人足以下報吾親也至十三日瞑目不語親族來問疾頷之作辭謝意曰某某俱不爽至戊而盡距其生成化己亥享年七十有八瑜與同門龍巖尹胡君景華湖口尹趙君莘暨同志數輩來敦其襄事乃相與謀曰先生素位而行遜世無悶宜耀而

弗耀也可私謚之曰貞素遂題其旒曰貞素先生先生自
少不妄語不苟取予事親以孝聞夫婦敬相待如賓教子
嚴而有方遇鄉黨私而有恩與人交無底裏未嘗疾言遽
色雖無過加之不怒屢空晏如也配范氏以賢淑稱於宗
黨子二長卽桷娶俞氏次檣娶錢氏孫男八烜娶徐氏繼
娶葉氏烜娶俞氏爓娶徐氏俱庠生爓聘丁氏烜焮焮聘
潘氏焮曾孫男三坤元坤亨坤成曾孫女一祚允蕃衍未
可量也其子若孫以嘉靖丁巳年二月十八日奉先生柩
葬於姥嶺之陽安甫投淚語余曰君辱與孤共筆硯於先
君子徵銘焉

上虞縣志校續

卷四十三

文徵內編

三

賓湖賦

謝 讜

蓋山子一日兀坐草堂遐聽野鶴朋儔絕臨懷抱頗惡忽
有客來自西郊充充落落厥裘惟輕厥巾惟角近逍遙之
莊生類傲放之康樂蓋山子乃張目以瞻肅容而作知其
爲竹林夙侶斯文先覺相與諷乎四詩亦浪談乎八索旣
而白雲墮影清風徐來胡奴將命戮魚淨杯獻酬屢屢玉
山欲頽陶然鼓興分題展才蓋山子遂製賓湖之章其辭

曰虞邑有勝蓋湖爲多發源萬壑支流白河南排鳳嶠東
擁龍坡滄溟北繞沃壤西羅芻子晨往澹煙曳簑漁人晚
罷款乃肆歌鷺依蘋而玉立鯉傍藻而擲梭木鬱或以拱
岸花繽紛以映波時春則万芽茁青鶯喉遙轉日暖泥融
爭飛紫燕時夏則蒲劍橫洲蓮妝映面陣陣蜻蜓依稀交
戰時秋則鴈落清音楓顏倏變霜降水涸涯涘盡見時冬
則冰玉嶙峋雪揚手片一鳥不飛釣垂獨綫或天風微動
浪醒鷗眠或斜陽開霽霞齊鶯鶯或浸當空之月或招過
雨之泉或澹澹以開鏡或搖搖以颺船西湖瑰麗鑑湖並

上虞縣志校續

卷四十三

文徵內編

三

妍主人賓此意豈徒然不與東南締美不與禮度周旋不
與繾綣乎疊爵不與講究乎簡編相對望言有親無敦罔
計歲年弗拘朝夕詎始密而中疎實情投而意戚矧其召
之不至遠之不隔鄙孟嘗之三千邁田橫之五百允矣鹿
鳴之嘉展也魚麗之德是以賓之愛主百年不足多主之
愛賓三公不足易主贈賓以百篇賓酬主以一碧事未前
聞樂將胡極愧上林之羨材乏螭扁之勁力佳趣難彰幽
懷莫測祇貽蓋湖之羞何以取主人之懌主人曰不然吾
將邀吾賓謝吾子構軒於原勒文於石旣徜徉乎四時且

光照乎萬厯

龍王堂碑記

謝 讜

夏蓋山之陰距巔若干武雲巖峭立巖下有潭廣可丈許深不踰尺泉澄澄可鑒冬夏不盈涸或亢旱彌旬靡損恆浸四旁幽草蔥蒨石磯礧相傳有神物出沒其中祝者所稱黑白二龍王是也每歲五六月間見於雲端則歲大稔人咸德之顧安靈無所祀報弗便余未第時夢示庇佑意甲辰遂捷南宮浩德終不忘乃於辛亥仲春吉卽夫人廟西隙地制堂三間左右室各一間鑿石爲臺斲木爲

上虞縣志校續

卷四十三

文徵內編

三

龕倩工程國用貌二王而以雷聖處其中蓋鈞有啓文錫禧之澤者也粲然就緒萬毗抃躍慶元靈之永託禱祭之有歸僉請刻碑堂左謹齋沐而爲之銘銘曰應元普化參顯元威神變罔測淵躍天飛赤螭文蛟素幌黠鼉波端雲際作隊前呵易沴爲祥濟暘以雨畚有穢穉境無鞅土佑彰綏厄拯溺銷戎屢彰厥異並赫其功觀定揆日掄材孔良麓基爽塏通構闕堂滄溟蕩北崇巒障南東列臨岫西望赭龕檐柏絡松徑筠渚荻露靄嵐橫蒼圍翠積乾坤不毀茲堂永存昭示遐禩爰勒斯文

贈趙漁江序

謝 讜

曹娥江順流而下二十里許地名西華蓋虞之佳壤也漁江趙公產其間實維眞隱余心雅重之而竊怪其漁之稱也公少炳睿譽業舉子垂十年六經羣籍窮討忘昕夕可謂讀矣腴畝繞屋驅犢犁雲旣種旣穫鼓腹以慶有秋可謂耕矣耕則敦本業讀則與賢聖伍二者綽乎心樂之逸塵也漁何爲也哉公聞之輒然笑曰叟知其二未知其一也吾廬距江邊而吾好漁朝持竿而往磯苔印屐馴鷗不飛逾午虛琴怡然歸飯暮持竿而往纖雨忽霽蘋風拂衣凝日霞光不覺白魚之入手也攜而授諸婦烹以椒酌以桑落不數觥醺然醉矣東山月出浩歌滄浪斯時也宇宙不知其寥廓又惡知所謂軒冕若讀與耕則莫敢廢或耕於漁先或讀於漁後三者循環迭應用以終老稱漁江者舉其尤適者爾余歆之曰有是哉公之樂也余衰甚於拙學樵荷葉山中聞嚶嚶鳥鳴輒思公第未得從公江滸續漁樵問答之休緒云

遊三湖記

謝 讜

壬寅三月三日蓋山子潔舟載樽借半塘子遊夏蓋湖柔

風翻袂雲澹絮紛方數里已成興矣停舟登九峯山迴蟠
若龍叢蔕若躍錦鱗訪陳見川不遇復舟至祈山下牧子
競歌雙翬軒翥桃莊杏塢飄旆若招過馮山訪南岡子益
醪多盞微酣縱狂放舟至鏡潭波浮金碎鷓鴣弄萍蓋山
子扣舷而歌歌曰春日載陽湖溶溶矣春服旣成我友同
矣時哉時哉思無窮矣於是脩鱗亂躍腴鯉並泳若起聽
歌者過小穴魚舳往來數塢點碧具天開圖畫也薄暮登
驛亭山循厓謁朱買臣廟嵐橫霞盡眉月遠天緩步竹旁
泉瀉瀉入耳未幾嘯虎嘯猿恐然歸臥篷底明日過石堰

進白馬湖綠漾鴨頭四山影落譙聲谷應斜柳拂衣半塘
子曰不減夏蓋也登田山又登月山訪趙象山不遇遇三
畏子東五里楊家溪又五里蘿巖山以南岡子三畏子遲
於行不往僅三里謁宋太祖廟高松逼漢側磴苔芳可停
翫也茆檐雞唱午煙歛飛飲三畏子別墅鳥嚶鳴侑觴過
陳石虎嶼訪龍岡散人又偶會海環子相與登龍松嶺坐
觀音堂攢峯異卉雲生履外恍乎躋方壺而隔塵世俯視
白馬則隘矣散人折纖筍抽螺鱸鮒臛促飲燭再然乃
已宿猗玕洞石榻紙幃僊僊如也又明日尋曲徑度三四

嶺謁西橫塘廟爭取碧桃遂借二小艇汎上如湖苻絲繫
篙銀鷁隊舉三畏子問南岡子曰此何如夏蓋海環子大
笑爲不逮甚也出三條塘更舟至百官謁舜帝廟活石參
瑤長江流帶會稽諸山鬱鬱送青輿不可了忽原舟來迓
別散人三畏子而還是游也海環子半塘子俱有龍岡歌
南岡子有買臣廟詩蓋山子有懷舜帝詩

雲南道監察御史狷齋行狀

謝 讜

公諱瑜字如卿別號狷齋姓謝氏晉太傅文靖公之裔世
家上虞之東山趙宋時曾七府君徙本縣後山國朝以來

上虞縣志校續

卷四十三

文徵內編

罕

代有名德洪武中福建僉事肅字原功以文學著正統己
巳通政使澤扈蹕塞外被擒於也先不屈死之正德中刑
部郎中元順政行重於世公會祖諱洪字時治祖諱俊字
叔英父諱允中字執之爲太學生慈行好施嘗以百金脫
陳生於阨早卒以公貴贈知縣母朱氏封太孺人公九歲
而孤太孺人教之學質穎功劬章采煥發十八補邑庠弟
子員督學者卽拔公高等名蔚蔚起嘉靖戊子薦於鄉壬
辰登進士第癸巳知浦城縣勸農桑寬稅役禁伏奸豪俾
不得逞窶者弱者煦嫗有餘恤以俸餘飭賢舍時校羣士

之藝而下上之士咸奮勵遂成俊彥丁酉最上擢南京廣
東道御史是時郭勛納諸閣議上言請復天下鎮守公率
諸御史劾勛極言正德中闔宦無狀陛下幸裁其弊社稷
賴之勛豈不知而欲布心腹於天下以鉗制百官志將何
爲聞者危公公曰志士不忘喪其元身爲言官可畏死弗
言耶後勛敗人咸服公之先識丙午奉使雲貴核兵籍因
論兵部尙書張瓚將以賄用培克士卒本兵而壞天下之
兵又論御史黨以平奔走權門諂及童僕無恥至此何以
肅僚又論禮部尙書嚴嵩姦佞欺罔刑部尙書周期雍飾
非自痼於是相繼罷去惟嵩倚陶仲文高忠得入相公自
雲貴復命都御史浚川王公稱爲古之遺直薦留雲南道
嵩畏公再謁於京邸不見盛設燕邀公不赴亦不謝嵩乃
遣子夫袁充譽納交於公所親厚者使說公曰容我當以
爲卿公曰咲瑜奚伎於嚴公誠使大臣盡道小臣盡職四
夷賓服萬民雍豫瑜與嚴公同荷太平之福我雖黜逐固
樂也惡用美官爲哉辛丑公按四川鋤抑權橫風裁凜然
貪吏多解綬先遁壬寅聞邊報疏曰堯舜誅四凶而蠻夷
率俾今之四凶郭勛胡守中張瓚嚴嵩是也近傳賊人北

回奏報者皆云知我有備不敢南下此非不敢也擄掠旣飽輜重必多以輸歸老營耳內外相蒙輒謂如此便足以警強胡爲誤益大矣說者又謂賊恣搶掠殊無大志尤爲太繆今年之入深於舊年明年又未可知所過郡縣宅毛不遺彼日益充我日益削夫馬肥則蹠牛肥則觸馴畜且然況敵人爲豺狼猛獸乎擄掠歲加其民必走其地必棄古之善藏其謀者嘗用此以得志今事亦相類可不爲大虞乎頃者又聞增築外羅城此所謂閉寢戶者也千金之家必密其藩籬固其牆屋眾其僮僕乃可弭盜舍此不爲

兩京各省羣臣之中堪爲邊方兵備者擇而使之又度阨塞緊關州縣擇其精明可使者爲之守令使之收拾村落招集勇敢繕治城堡遇寇則堅壁清野登墉固守賊人未嘗載糧負芻野無所得不驅而走若深入南侵彼必狼顧設險出奇其酋易擒也夫賊人就食有方今日得飽明日復來若傷弓懼羿一遭恐喝則退徙懼不遠矣乃今來則如迎去則如送未嘗出我一軍覲彼一面皆謂賊眾我寡賊弱我強臣謂爲此言者可斬也嵩大怒欲死公顧未有中之癸卯公念太孺人老病表乞歸養世宗不許頃之當

事者竟以憾計除公名公曰忠無所効矣得養吾親斯足矣角巾布袍豁如也問安侍膳奉太孺人盡其歡營室暇稍課耕圃比太孺人以壽終公毀墓逾孺子殫瘁襄事人以篤孝稱愛姜山形勝且謂其去邑頗遠可謝喧埃置別業焉煙消雲霽霞落嵐橫徜徉瞻玩日與麋鹿伍自稱姜山老樵晚又築南谷間居爽塏幽清神情甚適乙丑病疽流沮胸脇浹歲始愈丙寅世宗晏駕遺詔言事臣爲權奸矯陷者悉召用隆慶元年詔至上虞公入臨隕動疾作時吏部已上公復御史而公竟以四月九日卒距生宏治已

未七月十四日享年六十有九配錢氏封孺人子男二長果太學生娶太守陳公紹女次未太學生娶行太僕卿姚公翔鳳女女二長適憲副陳公楠子邑庠生國安次適尙寶丞聞人公惠行子邑庠生與已孫男五煥聘參政葛公木孫女炎聘兵馬劉公木孫女煜烜一未名孫女一許嫁大理卿葛公浩曾孫郡庠生瞳公性狷介丰儀嚴重平生不造人亦不輕與人談泣官浙土者無不加敬公公終不以事囑友愛宗族訓猶子師成師嚴皆成進士說易說詩每出臆見有先儒所未發者升菴楊公嘗舉其說以示來

上虞縣志校續

卷四十三

文徵內編

四

學詩不耽吟吟輒壓類尤工律體可與盛唐相頡頏文有氣骨字亦端勁奏書通達或擬之賈太傅嗜古翰繪布列坐室客至出與評質贗真品優劣竟日不倦不厭弈亦不厭酒或對嘉客或良辰獨飲輒盡數觥吾虞稱激烈曠達者必曰狷齋狷齋

下闕

三峯先生行狀

謝 謙

先生姓朱氏諱衮字朝章號三峯上虞人也始祖懷青公居青州仕宋國學助教扈蹕南遷遂家於上虞金烏峯下先生高祖諱子韶曾祖諱俊璋祖諱灝號遊菴父諱蕙號

樂澹仕武德衛經歷考滿進階徵仕郎遞菴公以樂澹公
貴贈如其官樂澹公以先生貴累贈奉政大夫工部郎中
母鍾氏累贈太宜人繼母柴氏累封太宜人鍾太宜人夢
曠日下飛鷹啣劍而生先生先生穎慧不羣髫年遽稱有
斐宏治戊午甫弱冠以詩經中順天鄉試壬戌中康海榜
進士會選翰林庶吉士當事者首取先生旣而查少禮經
乃以榜中同姓名者舉焉且云名姓相同難處一館先生
遂不與授工部都水司主事理徐州洪悉釐宿弊凡過洪
者惴惴不敢犯歲積夫役之羨銀易石整堤由是河濤衝

上虞縣志校續

卷四十三

文徵內編

畧

齧無所患至今利賴之船有私載者薄稅示罰取建黃樓
於州北城上陽明王公爲撰黃樓夜濤賦以彰其蹟無何
丁外艱哀毀葬祭情禮胥致服闋補刑部福建司主事轉
本部江西司員外郎詳讞庶獄多所平反朝廷以先生才
識風力改河南道監察御史仍食五品俸先生感知遇條
陳時政四事悉見施行時錦衣衛官旗多勳戚近侍冒名
濫入者先生按之持法不撓大忤權璫謫江西新昌縣丞
豕宰喬公慰以非罪之謫眾咸寃之等語至任適華林寨
賊朱雪一等恣掠村閭先生躬督鄉義機兵多方剿殺幾

陷虎吻者三踰年賊乃滅陞福清縣令福清東南接海民
素悍不率化且邑故無城先生造四門以捍衛東曰文興
西曰雙旌南曰龍江北曰玉屏見素林公撰四門記謂先
生垂無拔之厚惠終以俗化漸良人文日盛頌之陞沂州
知州沂地產銀沙礦徒構亂又流賊劉六劉七引眾燒劫
萬落成墟先生禦甚力招亡撫困境賴以謐壽王府有校
尉依勢噬民先生擒之究如法陞吉安府同知吉安守松
月伍公重先生甚一切事必諮議始行值廬陵賊曾國祥
等號十將軍猖獗震下上先生乃團甲練兵使賊大懾隨

上虞縣志校續

卷四十三

文徵內編

吳

以計召賊所信者往諭曰爾等亟自新卽爾宥不者必兵
之賊感泣詣郡請罪先生咸釋之籍爲兵上以平賊功特
賞焉厥後宸濠之變陽明公靖之猶運掌者實吉安兵之
力究本則先生與有功陞工部都水司郎中巡視蘇杭七
郡水利七郡之塘圩河泖湮淤者無算先生盡勸疏治水
歸其壑白茆港永興閘諸創可謂流澤無窮矣忽病作歸
養病愈補刑部河南司郎中命慮囚四川未至陞興化府
知府年饑民瘁殫心撫字教樹藝立鄉約勸社義申錢禁
凡利所當興害所當除者任怨任勞而爲之顧不能屈志

諸俗三疏引疾不待報輒野服登道蕭然塵外人矣院司
極詞獎譽交檄勉留先生堅不可回吏部以外官養病礙
於新例欲罪之及查犯在例前聞報候痊起用莆人思先
生不置數移文問安立生祠立去思碑家四載恩例進階
亞中大夫兩廣總制新建伯王公以先生磊落過人才識
有爲薦爲右江道兵備副使嗣是巡按福建御史景公徐
公少宰涓厓霍公河南道御史梅濱楊公巡按浙江御史
應臺傅公雲川舒公後先凡七薦語在各疏中蓋先生位
不滿才官不究施故爲國者力於薦先生愛西湖之勝考

上虞縣志校續

卷四十三

文徵內編

四

榮自適元老徐存齋翁嘗督學吾浙顏其堂曰後逋意指
和靖爲先逋取先生配之異代爲部署則恪居臺憲則肅
爲縣爲州爲郡則多惠因任異施中美時出雖古名臣未
之或過也而急流勇退棄爵如遺今亦尠有其儷故鄉郡
以清風古道克循高節臺省以文華雅贍行誼孤高治郡
純良掛冠貞介耀之坊匾者不一而足先生遊歷徧名區
凡駐跡之地人輒建亭紀碑爲山川榮澤國三峯亭武夷
三峯亭海鹽望虞亭其尤章灼者先生自少卽善古文詞
比壯夢巨人授以三尺劍光鏗燭天自是藻思日益一時

海內名士若顧東橋薛西原鄭少谷方棠陵先生相與賡唱人不能軒輕自宜豐厯安成有拂劍錄水部有水衡餘興集興化有夢劍緒言雪壺唱和歸田有寧幽花賦皆祖雅宗騷出入唐宋草書則飛躍適媚競爽鍾王求者趾相接先生亦不勗於酬性不喜杯弈唼暇惟危坐繹經史汎覽百家言或伸紙和墨草筆要數章而已大司成東廓鄒公遺先生書有細商歸宿之語大司空南坦劉公贊先生像有舍和履沖之語先生之窮理蹈道見信於諸名公如此督學白泉汪公郡守西綜洪公篤齋湯公關玉岡書院

以講正學推先生主盟焉近時學者率掇拾訓誥以資舉業於聖賢身心之學茫如也陽明公倡良知之說矯之其泥焉者雖遠支離而不免枯寂先生謂舉業德業非判然兩物也教人主之以居敬豫養輔之以讀書好古知行合一體用會通學術大中至正識者以爲甚有功於斯道著學範信心錄觀微內外篇得其指授者悉底於純亦多以科第顯者先生至孝友事繼母愛敬隆備盡以祖產讓其弟又益之已產以俸創懷青公祠率族眾修報本敬族有弗若於訓者誠之使悛怙終則懲以家法置義田以調族

之不給其不能婚不能葬則購以倍先生視宇宙內事莫非已事苟可利物雖已不得爲必欲爲也如擴嘉善學宮築上虞城開梁湖沙河作水東精舍皆先生始其猷而贊其成者先生取與極嚴非義之餽一介不受亦未嘗輕有所施或守分而匱或阨於不得已者則又慨然樂爲之濟與人雅談竟日不厭非自外名教無峻拒者先生晚歲康寧繁衍天倫多樂每生辰讌洽累日時正陽春琴瑟靜好奏埙篪而舞斑斕詩所謂壽豈先生有之先生夢見筆生異花庭桂產芝數莖又夢燈籠書卻劑事疊示嘉祥謂壽

上虞縣志校續

卷四十三

文徵內編

巽

且踰期也未百而逝哀哉生成化己亥三月九日卒嘉靖乙丑六月二十六日享年八十有七配鄭氏封宜人太醫院判純菴公女副室陳氏子男三伯子朋來鄭出行太僕寺主簿娶章氏長史海涯公女繼陳氏仲子朋求陳出今行人司行人娶車氏都御史百山公女繼徐氏教授厚齋公女先生之薦於鄉也以戊午仲子亦戊午第進士以壬戌仲子亦壬戌重光券合世稱奇焉季子朋采亦陳出紹興衛指揮僉事娶楊氏學使二檀公女家盡文也而季子以武顯先生以全材淑後此足徵云女三長端卿鄭出早

卒次瑞卿適禮部郎中躍川公子禾次惴卿陳出適太守
彭山公子丑孫男七賓容宮大宇宣宜大宙孫女五曾孫
男三卜以是年十二月九日葬黃泥山嗚呼邈矣先生謹
三紀門牆知非不深片辭纖行咸足模世茲僅錄大而捐
其細亦猶語龍者以神不必悉鱗而數也言雖不文實無
愧色惟命世作者采而壽諸銘

上虞縣志校續卷四十三

文徵內編

上虞縣志校續

卷四十三

文徵內編

五